



Diretora ST. PNDS, Dulce Guterres Junior Hato'o Intervensaun Hodi Abertura Enkontru Koordinasaun Nasional, iha Timo Plaza.

ST-PNDS Realiza Enkontru Koordinasaun Nasional Ba Dala Uluk Iha Tinan 2020

Enkontru Koordinasaun Nasional ba dala uluk iha tinan 2020 ne'e Partisipa husi Diretora Nasional ST-PNDS, Team Leader PARTISIPA, Chefe Unidade, Chefe Departamentu, Coordenador Munisipiu 12 no RAE OA, Coordenador FST, Assesor no Staff Sekretariado, enkontru koordinasaun dahuluk ne'e hala'o iha Salaun Maubara Room LT. 4 Timor Plaza Dili; 29/01/2020.

Objectivu husi Enkontru Koordinasaun ne'e atu Aprejenta Progressu implementasaun PNDS Faze 3 Siklu II husi Munisipiu 12 no RAE OA ne'ebé Aprejenta husi Coordenador Munisipius, aumesmu tempu Aprejenta mos Ejekusaun no Balansu Orsamentu no Apar Planu Global ba tinan 2020.

Iha Intervensaun husi Diretora Nasional ST-PNDS, Dulce Guterres Junior informa katak iha tinan ida ne'e Timor-lete sei sai uma nain ba Konferensia CDD no konferensia ne'e rasik sei partisipa husi nasaun 9 iha Timor-Leste tan ne'e ST-PNDS hili ona Munisipiu Manatutu, Ermera no Liquica atu sai fatin ba vizita nasaun membru CDD sira atu mai hare progressu husi Infraestrutura ne'ebé hari ona liu husi Programa PNDS. Tanba ne'e Diretora Nasional ST-PNDS informa ba Coordenador Munisipiu tolu refere atu prepara dokumentus sira hotu emtermus dados no projeitus fizikus, logistikamente tenki preparado.

Iha oportunidade ne'e mos Team Leader PARTISIPA ne'e hato'o nia sentimentu kontenti no orgulhu tanba bele iha oportunidade ba partisipa inagurasaun iha Suku Uatu-haco, Postu Venilale, Munisipiu Baucau tanba mesmu implementasaun projektu irigasaun be'e ba natar ho Orsamentu ne'ebé ki'ik maibe bele finaliza obra refere ho kualidade no resultado ne'ebe fo impaktu positivo tebes ba comunidade.

Tezoureiro Foun Suku Namoleso Posto Lequidoe, Kompriende Kna'ar EJS Oinsá Maneja no Kontrola Orsamentu Suku

Suko Namoleso, nudar suku ne'ebe lokaliza iha posto Administrativo Lequidoe, Munisipiu Aileu, iha tinan ano fiskal 2019 suku refere hetan subsidio ne'ebe aloka husi Governo Timor Leste, 29,750.00 dolares Americano. objetivu prinsipal husi alokasaun orsamentu ne'e mak atu apoia nesessidades baziku suku nian, hanesan dada Be'e Mos, Estrada rural no mos nesessidade seluk ne'ebe nesessita tebes. Nune'e iha 2019 liu husi implementasaun faze 3 siklu 2 Suku Namoleso propoen Estrada rurais sai prioridade primeiro ne'ebe liga husi aldeia ida ba aldeia seluk.

Projeitu refere kobre orsamentu ne'ebe ho montante \$29,750.00, uja ba projeitu konstrusaun estrada rural ho distansia 150 metru no drainazenbetaun ho distansia 178 metru inklui hada fatun satan rai 25 metru, husi total ne'e uja ba materiais ho montante \$22,977.20, no orsamentu insentivus ba trabalhadores sira ne'ebe serbisu iha projeitu ne'e mak hol montante \$6,773.30. Sistema hili prioridades suco, mak bazeia ba matadalan no regras sistema controla interna Programa Nasional Dezenvolvimentu Suco, comunidade rasik mak hili prioridades, deside, planu, dezenha no implementa.

PNDS

Hamutuk Ita
Dezenvolve Nasaun

Febreiru 2020

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, Enkontru Akontabilidade 50% Primeiru)


Faze 2 Siklu 2 : Iha Etapa 10 (Sertifika, Enkontru Akontabilidade 50% Primeiru)

Faze 3 Siklu 2 : Iha Etapa (Transferensia Fundus Operasional no Infrastrutura) Remata Ona 2017




Konstrusaun

Faze I Siklu 2



Faze II Siklu 2



Konstrusaun Be'e Mos Faze III Siklus 2 Iha Suku Atara, Postu Administrativu Atsabe Inaugura Husi Vice Ministru Administrasaun Estatal

Konstrusaun Be'e Mos ne'ebé konstrui iha aldeia Uabe, Suku Atara, Postu Administrativu Atsabe, Munisípiu Ermera ho orsamentu husi Governu ne'ebé aloka liu husi Programa Nasional Dezenvolvimentu Suku (PNDS). Konstrusaun ofisialmente inaugura husi Vice Ministru Administrasaun Estatal ne'ebé Akompanha husi Representante Embaxador Australia, Administrador Postu Atsabe no Asiste husi comunidade suku Atara, Atividade inaugura ne'e hala'o iha loron (14/02/2020).

Implementasaun Programa Nasional Dezenvolvimentu Suku iha suku Atara ne'ebé implementa husi ekipa Jestaun Suku no comunidade, Projeitu konstrusaun Be'e Mos ne'ebé uja sistema gravitasaun ho distasia 2 kilometru no ho total Torneira Publik 9, Tangki Rezervatorio 2 ho medida 14 m3, Ponte Pipa 1 ho naruk 1800 m, no Lavandaria 3 ho total orsamentu hamutuk \$52,964.83 ho gastu \$47,406.87 no nia balansu hamutuk \$ 5,557.96 ne'ebé mak iha kontabakaria suku no Kostrusaun Be'e Mos ne'e Benefisiariu ba comunidade Aldeia Uabe, Suku Atara hamutuk Uma Kain 90, kompostu husi Feto hamutuk 241 no Mane hamutuk 252.



Vice Ministro-Administrasaun Estatal Akompanha Husi Presidente RAEOA no Embaxador Australia Ofisialmente Inaugura Irigasaun Be'e ba Natar

Projeitu Irigasaun Be'e ba Natar ne'ebé konstrui iha Aldeia Manan, Suku Beneufe, RAEOA ho orsamentu Governu ne'ebé aloka liu husi Implementasaun Programa Nasional Dezenvolvimentu Suku (PNDS) ofisialmente inaugura husi Vice Ministru Administrasaun Estatal Akompanha husi Presidente RAEOA, Embaxador Australia no asiste husi comunidade suku refere. Aktividade ne'e halao iha loron (07/02/2020).

Irigasaun ne'e konstrui hodi distribui be'e ba natar hektares 9 ho nia naruk 1016m, as 1m ho luan kraik 40cm no luan leten 80cm ho total orsamentu \$41,447.50 ho gastu \$40,065.00 no nia balansu hamutuk \$1,382.50 ne'ebé mak iha kontabankaria suku.

Vice-Minisitru Administrasaun Estatal, Abilio Jose Caetano hafoin Inaugura Irigasaun ne'e haktuir ba comunidade suku Beneufe katak liafuan murak mak Dezenvolvimentu tengke iha estabilidade, paz, unidade, nune'e tenke hamutuk sai ema trabalhador no servisu nain para nune'e bele hetan dezenvolvimentu tanba povo hakarak mak Be'e Mos, Estrada, Elektrisidade, Sanementu nesidade bázikus ne'ebé comunidade presija.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl